


醫宗必讀

八



頭痛 一葉
 心腹諸痛 十一葉
 腰痛 二十五葉
 疝氣 三十三葉
 淋證 四十三

醫宗必讀卷之八

雲間李中梓士材父著
 門人李玄度公超父參
 姪孫李廷芳蘅伯父訂

頭痛

經曰風氣循風府而上則為腦風新沐中風則
 為首風首風之狀頭面多汗惡風當先風下日
 則病甚頭痛不可以出內至其風日則病少愈
 風府者督脉穴入項髮際一寸太陽之脉連于
 風府太陽受風則腦痛而為腦風也濯首日沐

沐則腠開風客乃為首風風傷衛則汗出而惡
 風風為陽邪故先風下日則病發先甚者亦先
 衰故至其風日頭痛數歲不已當犯太寒內至
 則病少愈也
 骨髓髓以腦為主腦逆故頭痛齒亦痛名曰厥
 逆髓以腦為主者諸髓皆屬于腦也太寒入髓
 則腦痛其邪深故數歲不已髓為骨之充齒
 者骨之餘也故頭痛齒亦痛是邪逆于上故名厥逆
 頭痛齒疾下虛上實
 過在足少陰巨陽頭痛巨陽病也太陽之脈交
 巔上其支別者從巔至耳上
 角其直行者從巔入絡腦下虛少陰腎虛也上
 實巨陽勝於實也腎虛不能攝巨陽之氣故虛
 邪上行而頭痛耳鳴九竅不利腸胃之所生者
 為頭痛也腎之外候腎氣虛故耳鳴也九竅不利者氣虛
 不能達也腸胃者七律門之道路氣之所以往

來者也氣虛則不能
 上升于巔頂故頭痛 頭痛甚則腦盡痛手足寒
 至節死不治三陽受邪伏而不去久則陽氣
 敗絕故手足之寒上至于節也
 愚按經之論頭痛風也寒也虛也運氣論頭痛
 十條傷寒論太陽頭痛一條皆六氣相侵與真
 氣相薄經氣逆上干于清道不得運行壅遏而
 痛也頭為天象六府清陽之氣五藏精華之血
 皆會于此故天氣太溢之邪人氣五賊之變皆
 能相害或蔽覆其清明或瘀塞其經絡與氣相
 薄鬱而成熱脈滿而痛若邪氣稽留脈滿而氣

血亂則痛乃甚此實痛也寒濕所侵真氣虛弱雖不相薄成熱然邪客于脉外則血泣脉寒卷縮緊急外引小絡而痛得温則痛止此虛痛也因風痛者抽掣惡風因熱痛者煩心惡熱因濕痛者頭重而天陰轉甚因痰痛者昏重而欲吐不休因寒痛者絀急而惡寒戰慄氣虛痛者惡勞動其脉大血虛痛者善驚惕其脉芤頭痛自有多因而古方每用風藥何也高巖之上惕風可到味之薄者陰中之陽自地升天者也在風

寒濕者固為正用即虛與熱者亦假引經須知新而暴者但名頭痛深而久者名為頭風頭風必害眼者經所謂東風生于春病在肝且者肝之竅肝風動則邪害空竅也察內外之因分虛實之證胸中洞然則手到病去矣

風濕挾熱頭痛上壅損目及腦痛偏正頭痛年深不愈並以清空膏主之痰厥頭痛太陰脉緩清空膏去羌活防風加半夏天麻陽明頭痛發熱惡熱而渴白虎湯加白芷腎厥頭痛即經所謂下虛上實其脉舉之則

弦按乏則堅

玉真丸 來復丹

傷食頭痛胸滿噤酸噫敗

如臭惡食雖發熱而身不痛

香砂枳 木丸

傷酒頭痛

葛花解 醒湯

怒氣傷肝

沉香降氣散 蘇子降氣湯

頭痛九竅不利

屬氣虛 補中益氣湯

眉尖後近髮際曰魚尾

魚尾上攻頭痛屬血虛

四物湯 加薄荷

動作頭痛胃熱

也 酒炒大黃五 錢濃茶煎服

心煩頭痛

清空膏加麥 門冬丹參

上熱頭

痛目赤下寒足斷為甚大便微秘

既濟解 毒湯

偏頭風

半邊 頭痛

左為血虛右屬氣熱

革薺子五

錢去殼大棗十五枚去核共搗研如泥塗綿紙

上用筋一隻捲之去筋納鼻中良久取下清涕

即止

生蘿蔔汁仰臥注鼻中左痛注右右痛

注左

芩犀丸極效

雷頭風

頭痛而起 核塊 或頭中如雷鳴

震為雷震仰盡用青荷

葉者象震之形與色也

清震 湯

有因痰火耳如雷

鳴 熟半夏一兩大黃煨二兩天麻黃芩各六錢 薄荷葉三錢甘草三錢水泛菘豆大臨臥茶

吞一錢痰 利為度

真頭痛

手足青至節且發 夕死夕發且死

腦為髓海受邪則死

灸百會穴猛進大劑參附亦有生者

大頭痛

頭大如斗此感天地非時之氣甚而潰

裂出膿此邪客上焦普濟消毒飲子輕者各發頤腫在

兩耳前後甘桔湯加薄荷荆芥鼠粘子連翹黃芩

眉稜骨痛

外挾風寒內成鬱熱上攻頭腦下注

目睛眉骨作痛有屬心肝壅熱者有風痰上攻

者有濕氣內鬱者選奇湯神效戴元禮云眼眶痛有

二證俱屬肝經肝虛見光則痛生熟地黃丸肝經停

飲痛不可開晝靜夜劇長導痰湯

脈候寸口緊急或短或弦或浮皆頭痛 浮滑

為風痰易治 短濇為虛難治 浮弦為風

浮洪為火 細或緩為濕

少宰蔣恬庵頭痛如破昏重不寧風藥血藥痰

藥久治無功余曰尺微寸滑腎虛水泛為痰也

地黄四錢山藥丹皮澤瀉各一錢茯苓三錢沉

香八分日服四貼兩日輒減六七更以七味左

人參湯送五日其痛若失

清空膏 丹溪曰東垣清空膏諸般頭痛皆治惟血虛頭痛從魚尾相連者勿用太陽厥

陰巔頂痛宜來復丹等亦非此藥所能治

羌活 防風 各一兩 柴胡 七錢

川芎 五錢 甘草 炙一兩半 黃連 炒一兩

黃芩 三兩 用一半酒炒

爲細末每服三錢茶調如膏抹在口中少用

白湯臨臥送下

白虎湯 見中暑

安神散 治鬱熱頭痛

黃耆 羌活 黃檗 酒炒各一兩

防風 二錢五分 知母 酒炒 生地黄 酒潤

柴胡 升麻 各五分 炙甘草

生甘草 各三錢

每服五錢水二鍾煎至鍾半加蔓荊子五分

川芎三分煎至一鍾臨臥熱服

透頂散 治新久偏正頭風及夾腦風

細辛 表白者 瓜蒂 七箇 丁香 三粒

糯米 七粒 冰片 麝香 各一分

將冰麝研極細將前味研勻另自治爲末然後入乳鉢內與冰麝和勻磁瓶密固用一大

豆許，隨患人左右搖之，良久出涎，碗許則安。

大川芎丸 治風寒痰飲偏正頭疼，川芎 一觔 天麻 四兩

為末，蜜丸，每丸一錢，每服一丸，食後茶酒下。

玉壺丸 治風痰吐逆，頭痛目眩，胸滿吐涎。

南星 生 半夏 生各 一兩 天麻 半兩

白麵 三兩

為末，水丸，桐子大，每服二十九丸，用水一碗，先煎沸，下藥煮候藥浮，即熟，漉起，生薑湯下。

玉真丸 腎虛逆上，頭痛，謂之腎厥。

硫黃 二兩 石膏 煨赤 半兩 湯洗

硝石 研各 一兩

為末，生薑汁丸，桐子大，陰乾，每服二十九丸，薑

湯下，炙關元百壯，寒甚者去石膏，用鍾乳粉

來復丹 見中 葛花解醒湯 見泄

沉香降氣散 治氣壅痞塞頭痛。

沉香 二錢 砂仁 七錢 甘草 炙五錢

香附 鹽水炒去毛 六兩 二錢半

爲極細末每服二錢淡薑湯下

蘇子降氣湯 虛陽上攻氣不升降痰涎壅盛

蘇子 炒研 半夏 湯泡各二錢半 前胡 去蘆

甘草 炙 厚朴 薑製 陳皮 去白各一錢

當歸 去蘆一錢半 沉香 七分

水二鍾生薑三片煎一鍾服 虛寒者加五分黃耆

既濟解毒湯 治上熱頭目赤腫而痛煩悶不得安臥下體寒足脞尤甚大便微秘

大黃 便通者勿用 黃連 酒炒 黃芩 酒炒

甘草 炙 桔梗 各二錢 柴胡

升麻 連翹 當歸身 各一錢

水二鍾煎一鍾食後服

神芎散 治風熱上攻頭痛鼻塞

青黛 二錢五分 蔓荊子 川芎 各一錢

鬱金 芒硝 各一錢 石膏 一錢三分

細辛根 一錢 薄荷葉 二錢 紅豆 一錢

爲細末搗實

茶調散 治風熱上攻頭目昏痛

黃芩 酒浸炒 川芎 一兩 細茶 三錢

白芷 五錢 薄荷 三錢 荆芥穗 四錢

為細末每服三錢茶送下巔頂及腦痛加細辛藁本蔓荆子各三錢

菊花散 治風熱頭痛

甘菊花 去蒂 旋覆花 去梗 防風

枳殼 去瓢 麩炒 羌活 蔓荆子

石膏 甘草 灸各二錢五分

水二鍾薑五片煎一鍾服

芩犀丸 治偏正頭風鼻流鼻涕服他藥不效者服此效

川芎 硃砂 水飛 石膏 研

片腦 各四兩 人參 茯苓

甘草 灸 細辛 各二兩 犀角

梔子 各一兩 阿膠 炒一兩半 麥門冬 去心三兩

為細末蜜丸彈子大每服一丸食後茶送

清震湯 治頭面疙瘩或聞雷聲

升麻 蒼朮 淋浸各四錢 青荷葉 一箇全用

水二鍾煎八分食後服

黑錫丹 治真頭痛

醫宗必讀 卷之八

沉香

附子製

葫蘆巴

肉桂各五錢

茴香

破故紙

肉豆蔻

金鈴子

木香各一兩

黑錫

硫黃與黑錫結砂子各一兩

為末，研勻，酒煮麵糊丸，桐子大，陰乾，每服五

錢，空心薑鹽湯送下。一方有陽起石五錢，巴戟一兩。

普濟消毒飲子

治大頭瘟，腫甚者宜，疔刺之。

黃芩

黃連各八分 人參五分

橘紅

玄參 甘草生各四分

連翹

牛勞子

板藍根

馬屁勃各二分

白殭蠶炒

升麻各二分

柴胡

桔梗各五分

薄荷六分

水二鍾煎，一鍾服，便秘加酒煨，大黃一錢。

選奇湯 治眉稜骨痛

防風

羌活各三錢

黃芩酒炒一錢

甘草三錢夏生冬炙

每服三錢，水煎熱服。

生熟地黃丸 治肝虛頭痛目暗

生地黄 熟地黄 各壹斤 劬半 甘菊花 去蒂 一劬

石斛 枳殼 防風

牛膝 各六兩 羌活 杏仁 各四兩

為末，蜜丸，桐子大，每服三錢，以黑豆三升炒，令烟盡，淬好酒六升，每用半鍾，食前送下。

導痰湯 治痰飲頭痛

半夏 熟四兩 天南星 炮去皮 枳實 麩炒
赤茯苓 去皮 橘紅 各一兩 甘草 炙五錢
每服四錢，水一鍾，薑十片煎八分，食後服。

心腹諸痛 心痛 胃脘痛 胸痛 腹痛 少腹痛 脇痛

經曰：厥心痛，與背相控，善痺，如從後觸其心，偃者，腎心痛也。腹脹胸滿，心痛尤甚，胃心痛也。如以錐針刺其心，心痛甚者，脾心痛也。色蒼蒼如死狀，終日不得太息，肝心痛也。臥若徒居，心痛間動作，痛益甚，色不變，肺心痛也。陽明有餘，上歸于心，滑則病心疝，心痛引少腹，滿上下無定處，溲便難者，取足厥陰，心痛腹脹，嗇然大，便利取足太陰，心痛短氣不足，以息取手太

陰心痛引背不得息取足少陰兩章論心痛凡十種皆他藏病

干之而痛非本經自病也
愚按內經之論心痛未有不兼五藏為病者獨詳於心而略于胸腹舉一以例其餘也心為君主義不受邪受邪則本經自病名真心痛必死不治然經有云邪在心則病心痛喜悲時眩仆此言胞絡受邪在府不在藏也又云手少陰之脉動則病嗑乾心痛渴而欲飲此言別絡受邪在絡不在經也其絡與府之受邪皆因怵惕思

慮傷神涸血是以受如持虛而方論復分九種曰飲曰食曰熱曰冷曰氣曰血曰悸曰蟲曰疰苟不能偏識病因將何以為治耶胃屬濕土列處中焦為水穀之海五藏六府十二經脉皆受氣于此壯者邪不能干弱者着而為病偏熱偏寒水停食積皆與真氣相搏而痛肝木相乘為賊邪腎寒厥逆為微邪挾他藏而見證當與心痛相同但或滿或脹或嘔吐或不能食或吞酸或大便難或瀉利面浮而黃本病與客邪必參

雜而見也。胸痛卽膈痛，其與心痛別者，心痛在岐骨陷處，胸痛則橫滿胸間也。其與胃脘痛別者，胃脘在心之下，胸痛在心之上也。經曰：南風生於夏，病在心，俞在胸脇。此以胸屬心也。肝虛則胸痛引背脇，肝實則胸痛不得轉側。此又以胸屬肝也。夫胸中實肺家之分野，其言心者以心之脉從心系却上肺也，其言肝者以肝之脉貫膈上注肺也。脇痛舊從肝治，不知肝固內舍肱脇，何以異于心肺內舍膺脇哉？若謂肝經所

過而痛，何以異于足少陽手少陰所過而痛者哉？若謂經脉挾邪而痛，何以異于經筋所過而痛者哉？故非審色按脉，熟察各經氣變，卒不能萬舉萬當也。且左右肺肝氣血陰陽，亦有不可盡拘而臨證者，可無詳察耶？腹痛分爲三部，膈以上痛者爲大陰脾當膈而痛者爲少陰腎少腹痛者爲厥陰肝及衝任大小腸每部各有五賊之變，七情之發，六氣之害，五運之邪，至紛至博，苟能辨氣血虛實內傷外感而爲之調劑，無

不切中病情矣

心痛有停飲則惡心煩悶時吐黃水甚則搖之

作水聲小胃丹或胃苓湯食積則飽悶噫氣如敗卵得

食輒甚加神麴枳木丸火痛忽增忽減口渴便秘

清中外受寒內食冷虛寒者歸脾湯加薑桂芎藭氣

壅攻刺而痛氣散死血脉必溢飲下作呃手

散甚者桃心痛而煩發熱動悸此為虛傷妙香

仁承氣湯散蟲痛面上白斑唇紅能食或食後即痛或痛後

即能食或口中沫出上半月蟲頭向上易治下

半月蟲頭向下難治先以雞肉汁或蜜糖飲之

引蟲頭向上隨服剪紅丸吐蟲嚙心痛有休止或

吐吐蟲動則惡心嘔吐烏梅丸鬼疰心痛昏

憤妄言蘇合香丸熱厥心痛金鈴子散寒厥心痛木附

胃脘痛治法與心痛相倣但有食積按之滿痛

者下之大柴胡湯虛寒者理中湯

胸痛肝虛者痛引背脇補肝湯肝實者不得轉側

喜太息柴胡散有痰二陳湯加薑汁

脇痛左痛多代低當湯右痛多痰氣痰二陳湯氣推氣散

左為肝邪散 枳芍 右為肝移邪于肺散 推氣 按寒中

湯加 枳殼 死血日輕夜重或午後熱脉瀦或乳承氣

湯加 枳殼 痰飲 白芥子 食積有一條扛起者是

也 枳木丸 加 吳茱萸 肝火盛 龍薈 虛冷 黑錫

丹 肝脉軟 補肝 驚傷脇痛 散 桂枝

腹痛 芍藥甘草 稼穡作甘甘者已也曲直作酸

酸者甲也甲已化土此仲景妙方也脉緩傷水

加桂枝生薑脉洪傷金加黃芩太棗脉瀦傷血

加當歸脉弦傷氣加芍藥脉遲傷火加乾薑綿

綿痛而無增減欲得熱手按及喜熱飲食其脉

遲者寒也 香砂 理 冷痛 用溫藥不效大便秘者

當微利之 藿香 正氣散 加 時痛時止熱手按而

不散脉大而數者熱也 大金花丸 或 暑痛 十味

飲濕痛小便不利大便溏脉必細緩 胃苓 痰痛

或眩暈或吐冷涎或下白積或小便利或得

辛辣熱湯則暫止脉必滑 輕者 二陳湯 加 枳殼

丸 食積 痛甚大便後減其脉弦或沉滑 平胃散

山查麥芽砂仁木 酒積痛 葛花解醒湯 加 枳實

香甚者加大黃 酒積痛 三稜 莪朮茵陳 氣滯

醫宗公讀 卷之八

必腹脹脉沉木香順氣散死血作痛痛有定在而不

移脉瀉或乾虛者四物湯料加大黃蜜丸服實

山甲降香紅花蘇木玄胡索當歸尾桃仁加童便非汁酒蟲痛心腹懊憹往

來上下痛有休止或有塊耕起腹熱善渴面色

乍青乍白乍赤吐清水者蟲也或雞汁吞萬應

吞烏梅丸安之乾霍亂一名攪腸沙疝痛內癰皆腹痛

各詳具本門

愚再按近世治痛有以諸痛屬實痛無補法者

有以通則不痛痛則不通者有以痛隨利減者

互相傳授以為不易之法不知形實病實便閉

不通者乃為相宜或形虛脉弱食少便泄者豈

容濕治經曰實實虛虛損不足而益有餘如此

死者醫殺之耳須知痛而脹閉者多實不脹不

閉者多虛拒按者為實可按者為虛喜寒者多

實愛熱者多虛飽則甚者多實饑則甚者多虛

脉實氣粗者多實脉虛氣少者多虛新病年壯

者多實久病年衰者多虛補而不效者多實攻

而愈劇者多虛痛在經者脉多弦大痛在藏者

脈多沉微必以望聞問切四者詳辨則虛實灼然實者固可通利虛者安可通利乎故表虛而痛者陽不足也非溫經不可裏虛而痛者陰不足也非養營不可上虛而痛者以脾傷也非補中不可下虛而痛者脾腎敗也非溫補命門不可亦泥痛無補法則殺人慘于利器矣

脈候 弦為痛為食 濇為痛 短數為痛 大為病久 痛甚者脈必伏 細小沉遲者生 實大浮長滑數者死 大痛而喘人中黑者死

寸口脈弦脇下拘急而痛其人惡寒

醫案

給諫章魯齋暑月自京口歸邑心中大痛吳門醫者令服香薷飲痛勢轉增余曰寸口弦急痰食交結也服香砂二陳湯兩貼痛雖畧減困苦煩悶更以胃苓湯加半夏二錢大黃三錢下黑屎數枚痛減三四仍以前湯用大黃四錢下膠痰十數碗始安

孝廉李長蘅吳門舟次忽發胃脘痛用順氣化

食之劑弗效余診之曰脉沉而遲客寒犯胃也
以參蘇飲加草豆蔻二錢煎就加生薑自然汁
半碗一服而減二服而瘥

縣令章生公在南都應試時八月初五心口痛
甚至不能飲食余診之寸口清而軟與太劑歸
脾湯加人參三錢官桂一錢生公云痛而驟補
實所不敢得無與場期礙乎余曰第能信而服
之可以無礙恐反投破氣之藥其礙也必矣遂
服之不踰時而痛減更進一劑連飲獨參湯兩

日而愈場事獲竣

海上太學喬憲卿鬱怒之餘胸腹脹痛先服消
痰疎氣化食之劑不效服大黃下之不效更以
人參補之又无效迎余診之脉弦而數此內有
鬱熱為寒涼飲食壅之而痛用黃連三錢梔子
一錢五分橘紅白蔻各一錢鈎藤木香各八分
官桂二錢煎成加薑汁半鍾二劑痛止四劑之
後加乾薑人參而霍然

太史焦漪園當臍切痛作氣食療之無功余診

乏日當臍者少陰腎之部位也况脉沉而弱與氣食有何干涉非徒無益反害真元以八味丸料煎飲不十日而康復如常

京卿胡慕東忻各少腹作痛連于兩脇服疎肝之劑一月以來日甚一日余診之左關尺俱沉遲

治以理中湯加吳茱萸一劑知十劑起矣

加味七氣湯 治七情鬱結心腹作痛

蓬朮 青皮 香附醋炒各一錢半

玄胡索 一錢 薑黃 一錢 草豆蔻 八分

三稜炮七分 桂心 五分 益智仁 七分

陳皮 八分 藿香 七分 炙甘草 四分

水二鍾煎一鍾食前服死血加桃仁紅花

手拈散 治血滯心腹作痛

玄胡索 醋炒 五靈脂 醋炒 草果

沒藥 各等分

為細末每服三錢熱酒調下

桃仁承氣湯見傷寒 小胃丹見腫脹 胃苓湯

代抵當湯見泄瀉 行瘀血如血老而甚者去歸地加蓬朮

本草綱目卷之八

生地黄

當歸尾

穿山甲

各二錢

降香

一錢五分

肉桂

去皮一錢

桃仁

去皮尖炒二錢

大黃

去皮三錢

芒硝

八分

水二鍾煎一鍾

血在上食後服
血在下食前服

清中湯 治火痛

黃連

梔子

炒各二錢

陳皮

茯苓

各一錢半

熟半夏

一錢

草豆蔻

甘草

炙各七分

水二鍾薑三片煎八分食前服

草豆蔻丸

治客寒犯胃心腹作痛熱者亦可服

草豆蔻

一錢半煨

吳茱萸

益智仁

殭蠶

炒各八分

當歸身

青皮

各六分

神麴

薑黃

各四分

生甘草

三分

桃仁

七箇去皮

熟半夏

一錢

澤瀉

錢

麥芽

炒一錢半

炙甘草

六分

柴胡

四分

人參

黃耆

陳皮

各八分

為末水丸每服三錢食遠白湯下

大柴胡湯

見傷寒

醫宗心竈

卷之八

二十

心腹痛

加味歸脾湯 治心虛悸動而痛

人參 黃耆炙 白朮炒

當歸 茯苓 酸棗仁各一錢半

遠志肉八分 木香 甘草炙各五分

龍眼肉二錢 大棗二枚 煨薑二片

菖蒲八分 桂心五分

水二鍾煎一鍾食後服亦有加柴胡山梔者

沉香降氣散見頭 二陳湯見虛 理中湯見傷寒

妙香散治心氣不足恍惚虛煩盜汗不寐跳動不安

山藥薑汁炒 茯苓去皮 茯神去皮

遠志去心炒 黃耆各一兩 人參

桔梗 甘草炙各五錢 木香煨二錢半

辰砂三錢另研 麝香一錢另研

為細末每服三錢或湯或酒調下

金鈴子散 治熱厥心痛或作或止

金鈴子 玄胡索各一兩

為末每服三錢酒調下痛止與香砂枳朮丸

木附湯 治寒厥心痛脉微氣弱

醫宗必讀 卷之八

附子炮一兩

白朮炒四兩

甘草炙一兩

為末每服三錢用水一鍾半薑五片棗二枚

煎一鍾食前服

蕪荑散 蟲咬心痛貫心則殺人宜亟服之

蕪荑

雷丸各五分

乾漆炒至烟盡一兩

為末每服三錢溫水調服

烏梅丸見傷寒 剪紅丸見反胃 蘇合丸見中風

補肝湯

山茱萸

甘草

桂心各三兩

桃仁

細辛

栝子仁

茯苓

防風各一兩

大棗二十枚

水九碗煎四碗分三服

柴胡踈肝散

柴胡

陳皮醋炒各二錢 川芎

芍藥

枳殼炒各一錢半 甘草炙一分

香附下錢五分

水二鍾煎八分食前服

推氣散 治右脇疼痛脹滿不食

醫宗必讀

卷之八

三

心腹痛

醫宗必讀 卷之八

片薑黃

枳殼 經炒

桂心 忌火各五錢

甘草 炙二錢

為細末每服三錢薑湯調下

枳芩散 治左脇刺痛

枳實

川芎 各五錢

甘草 炙二錢

為細末每服三錢薑湯下

導痰湯 治痰飲痞塞為痛

熟半夏 四兩

天南星 炮去皮

枳實 經炒去瓢

赤茯苓 去皮

橘紅 各一兩

甘草 炙五錢

每服四錢水一碗薑十片煎八分食後服

龍薈丸

當歸

草龍膽

梔子

黃連

黃柏

黃芩 各一兩

大黃

蘆薈

青黛 各五錢

木香 二錢五分

麝香 五分別研

細末蜜丸如棗豆大每服三錢生薑湯下

黑錫丹 見頭痛 葛花解醒湯 見泄瀉

桂枝散 驚氣傷肝脇中疼痛

醫宗必讀 卷之八

枳殼 二兩 桂枝 一兩

細末每服二錢薑棗湯調下

芍藥甘草湯一名成已湯治腹痛如神

芍藥 四錢 甘草 二錢

水二杯煎一杯服酸以收之甘以緩之

霍香正氣散方見中風十味香薷飲見類中風

大金花丸加梔子去大黃名黃連解毒湯又名梔子金花丸

黃連 黃蘗 黃芩

大黃 各等分

為末水丸每服白湯下二錢

木香順氣散 治氣滯腹痛

木香 香附 檳榔

青皮 酸炒 陳皮 厚朴 薑製

蒼朮 淋浸 枳殼 麩炒 砂仁 各一錢

甘草 炙五分

水二鍾薑三片煎一杯食前服

萬應丸 取蟲積如神

黑丑 取頭末 大黃 檳榔 各八兩

醫宗必讀 卷之八 三十五 心腹疼痛

雷丸 醋煮 木香 各一 沉香 五錢
 將黑丑大黃檳榔一處為末以太皂角苦練
 皮各四兩煎湯泛為丸如菉豆大以雷丸木
 香沉香為衣每服三錢五更用砂糖水送下

腰痛

內經云太陽所至為腰痛足太陽膀胱之脈所
過還出別下項循肩
膊內挾脊抵腰中故為病項如拔挾脊痛腰似
折髀不可以曲是經虛則邪客之痛病生矣邪
者風熱濕燥寒皆能為病
大抵寒濕多而風熱少也
 ○又云腰者腎之府
 轉搖不能腎將憊矣此言房室勞傷腎虛腰痛
也憊猶
言敗也
 愚按內經言太陽腰痛者外感六氣也言腎經
 腰痛者內傷房慾也假令作強伎巧之官謹其
 閉蟄封藏之本則州都之地真氣布濩雖六氣

苛毒弗之能害，惟以欲竭其精，以耗散其真，則腎藏虛傷，膀胱之府安能獨足？于是六氣乘虛，侵犯太陽，故分別施治。有寒有濕，有風有熱，有挫閃，有瘀血，有滯氣，有痰積，皆標也。腎虛其本也。標急則從標，本重則從本。標本不失，病無遁狀矣。

寒 感寒而痛，其脉必緊。腰間如冰，得熱則減。得寒則增。五積散去桔梗，加吳茱萸，或薑附湯加肉桂、杜仲，外用摩腰膏。兼寒濕者，五積散加蒼朮、麻黃。

濕 傷濕如坐水中，腎屬水，久坐水濕，或傷雨露，兩水相得，以致腰痛身重，脉緩。天陰必發。湯腎

著湯 兼風濕者，獨活寄生湯

風 有風脉浮，痛無常處，牽引兩足。五積散加防風、全蠍，或小續命湯。杜仲薑汁炒為末，每服一錢酒送，治腎氣

腰痛，兼治風冷，或牛膝酒。

熱 脉洪，數發渴，便閉。甘豆湯加續斷、天麻。

閃挫 或跌撲損傷，乳香、麝香、散及黑神散，和復元通氣散酒調下。不效

必有惡血，四物湯加桃仁、穿山甲、大黃。勞後負重而痛，十補湯下。

青娥丸

瘀血 脉瀉轉動若錐刀之刺大便黑小便或黃

或黑日輕夜重調榮活絡飲或桃仁酒調黑神散

氣滯 脉沉人參順氣散或烏藥順氣湯加五加皮木香 或用降香檀

香沉香各三錢三分煎湯空心服

痰積 脉滑二陳湯加南星香附烏藥枳殼 脉有力者二陳湯加大黃

腎虛 腰肢痿弱脚膝酸軟脉或大或細按之無

力痛亦攸攸隱隱而不甚分寒熱二候脉細而

軟力怯短氣小便清利腎氣丸茴香丸鹿茸羊腎之類 脉大而

久腰

丹溪心法腰痛

軟小便黃虛火炎六味丸 丹溪云○○痛必用

官桂開之方止

五積散見類中風 小續命湯見中風

獨活寄生湯治腎虛受風受濕腰腿拘急筋骨攣痛行步艱難

獨活 桑寄生 杜仲炒去絲

牛膝 細辛 秦艽

茯苓 桂心 防風

芍藥 人參各一錢半 甘草

當歸 芍藥 地黃各一錢

水一鍾生薑五片煎入分食前服如無寄生續斷代之

牛膝酒

牛膝

川芎

地骨皮

五加皮

薏苡仁

甘草各一兩

海桐皮一兩 生地黄十兩

右為粗末絹袋盛入好酒二斗浸二七日每

服一杯日三四杯冷酒氣不絕為佳

腎着湯

治腎虛傷濕腰中如帶五千錢腰冷如坐水中不渴小便自利此證各為腎着

乾薑炒

茯苓

甘草灸

白朮各二兩

每服四錢水一鍾煎七分空心温服

滲濕湯

治寒濕所傷身體重着如坐水中小便赤澀大便滯泄

蒼朮炒

白朮炒

甘艸灸各一兩

茯苓去皮

乾薑炮各一兩

橘紅

丁香各二錢半

每服四錢水一鍾棗一枚薑三片煎七分服

摩腰膏

治老人腰痛女人白帶

附子尖

烏頭尖

南星各二錢半

醫宗必讀 卷之八

硃砂

雄黃

樟腦

丁香 各一錢半

乾薑 一錢

麝香 五分

為細末，蜜丸，龍眼大，每用一丸，生薑汁化開，如厚粥，火上烘熱，放掌上，摩腰中，候藥盡，即烘綿衣，裹緊，腰熱如火，間一日，用一丸。

甘豆湯 治風熱腰痛，二便不通。

黑豆 二合 甘草 二錢

水二鐘，生薑七片煎服，間服散。

敗毒散 風熱證通用。

羌活

獨活

前胡

柴胡

人參

茯苓

甘草 炒

枳殼 炒

桔梗

芎藭 各等分

每服三錢，生薑五片煎服。

乳香趨痛散 治打墜腰痛。

虎脛骨

酒炙

敗龜

酒炙各二兩

騏驎竭

赤芍藥

當歸

沒藥

防風

自然銅

煨醋研

白附子

炮

醫宗必讀 卷之八

辣桂 白芷 蒼耳子 微炒

骨碎補 各三兩 牛膝 天麻

檳榔 五加皮 羌活 各一兩

爲末每服一錢酒調下加全蝎更效 脚氣通用

黑神散

黑豆 炒去皮 熟地黄 酒浸 當歸 酒潤

肉桂 乾薑 炒黑 甘草 炙

芍藥 蒲黃 各四兩

爲細末每服二錢童便半鍾酒少許煎服

復元通氣散 治一切氣滯及閃挫腰痛

大茴香 炒 穿山甲 炒各二兩 玄胡索

白牽牛 炒 橘紅 甘草 炙各一兩

木香 忌火 一兩 五錢

爲細末每服二錢熱酒調下

十全大補湯 即十補湯 見虛癆

青娥丸 治腎虛腰痛

補骨脂 四兩 杜仲 薑汁炒 四兩

右爲末胡桃肉三十箇研膏入熟蜜少許丸

醫宗必讀 卷之八 三十 腰痛

如桐子大每服四錢酒送下
橘核酒 治跌打損傷瘀血作痛

橘核 炒去皮

研細末每服二錢酒調下

調榮活絡飲 治失力腰閃或跌撲瘀血

大黃 當歸 牛膝 酒洗

杏仁 去皮炒 赤芍藥 紅花

羌活 生地 酒洗各 川芎 一錢五分

桂枝 三分

水鍾半煎八分食前服

人參順氣散 治氣滯腰痛

人參 川芎 桔梗

白朮 白芷 陳皮

枳殼 麻黃 去節 烏藥

白薑 甘艸 各一錢

水二種煎一鍾服

烏藥順氣散

白朮 茯苓 青皮

白芷

陳皮

烏藥

人參

各一兩

甘草

五錢

爲末每服三錢水一鍾煎七分服

二陳湯

見中風

無比山藥丸

治腎虛腰痛

赤石脂

煨

茯神

去皮木

山茱萸

去核

熟地黃

酒漬

巴戟

去心

牛膝

酒浸

澤瀉

各兩

杜仲

薑法炒

兔絲子

酒浸

山藥

各三兩

北五味

六兩

肉蓯蓉

酒浸四兩

爲細末蜜丸桐子大每服三錢酒下

六味丸

八味丸

見虛癆

補陰丸

龜板

酒炙

黃檗

酒炒

知母

側柏葉

枸杞子

五味子

杜仲

薑汁炒

砂仁

各五錢

甘草

二兩半

猪脊髓地黃膏爲丸每服五錢淡鹽湯下

醫宗金鑑 卷之八

疝氣

內經曰任脉為病男子內結七疝女子帶下瘦

聚任脉起于中極之下以上毛際循腹裏上關

之原諸經為之會故諸種疝證無不由任脉為

而痛不得前後為衝疝既上衝心又不得大小

○肝所生病為狐疝似狐之晝出穴而溺夜入

乃肝經之部分是受病之處也一切疝證非肝

傳為癰疝三陽者手太陽小腸足太陽膀胱足

言狐疝乃肝經自病也小腸膀胱皆在下部胆與

醫宗金鑑 卷之八 疝

肝為夫婦且支脈出氣街繞毛際故三陽皆能
病疝也癩者頑痺不仁畢九腫大如升如斗者
是也 ○黃脈之至也大而虛積氣在腹中有厥氣
名曰厥疝黃脈土脈也肝木乘脾故大而虛也
干象為木皆主上升也言厥逆上升也肝部應春
怒則氣上故為厥疝 ○脾傳之腎病名疝痕少
腹冤熱而痛出白脾受所不勝之邪傳于所勝
之藏則積雷成有形之痕痕者即方書所云狀
如黃瓜者是也有氣不得由日冤氣聚而痛自
精自出經曰寸口脈沉而弱疝痕少腹痛 ○足陽明之
筋病癩疝腹筋急又曰肝脈滑甚為癩疝既曰
明病癩疝又曰肝滑為癩疝則知此證肝 ○脾
木乘胃也癩者畏大膿血甚則下膿血也

脈微大為疝氣滑甚為癩疝又曰腎脈滑甚為
癩疝內則畏膿血外則小便閉各
愚按內經所謂任脈為病內結七疝合言疝證
之原也所謂衝疝狐疝癩疝厥疝癭疝癩疝癩
癩疝分言七疝之狀也巢氏不能詳考內經原
具七疝乃強分厥癩寒氣盤肘狼自附于內經
之七疝不亦妄乎宜張子和非之曰此俗士所
立謬名似矣及其立論但辨陰器與小腸膀胱
腎了不相干專屬肝經受病竟不知任脈為七

疝之原亦不知經文自有七疝散見于各論之中又添寒水筋血氣狐癩之七種此其疝謬與巢氏未有以異也若言疝為筋病皆挾肝邪則可若言止在厥陰一經不亦與內經相戾耶且執病在下者引而竭之不問虛實槩與攻上其禍有不可勝言者豈待下後始補而可圓其生平學者但當以內經為正不當惑于多岐丹溪以為疝證皆始于濕熱蓋大勞則火起于筋醉飽則火起于胃房勞則火起于腎大怒則火起

于肝火鬱之久濕氣便盛濁液凝聚并入血隊流于厥陰肝性急速為寒所束宜其痛甚此亦補前人未備之一端不可守為揆度也故夫治法寒則多痛熱則多縱濕則腫墜虛者亦腫墜在血分者不移在氣分者多動蓋脾左有兩左丸屬水水生肝木木生心火三部皆司血統納左之血者肝也右丸屬火火生脾土土生肺金三部皆司氣統納右之氣者肺也是故諸寒收引則血泣而歸肝下注于左左諸氣憤鬱則濕

聚而歸肺下注于右丸且畢丸所絡之筋非盡
由厥陰而太陰陽明之筋亦入絡也故患左丸
者痛多腫少患右丸者痛少腫多此確然者耳

衝疝 氣上冲心二便不通 巢氏狼治法 木香散

狐疝 卧則入腹立則出腹 子私亦 仲景治狐疝

時上時下者 蜘蛛散 或用牡蠣六兩鹽泥固濟炭

三劬煨至火盡取一二兩乾薑一兩焙為細末二
味和勻水調得所塗痛處小便大利即愈

癰疝 陰囊腫大如升如斗甚而如栲栳大者 二層

荷香九 荔枝散 茸 胞丸 地黃骨子丸 木腎不痛 南星 半夏 黃栢 蒼

神麴滑石 茱萸昆布 酒糊丸 空心鹽湯下 雄楮葉 不結 曬乾為末 酒

糊丸 鹽湯下 用馬鞭草搗塗效 張子和亦 有癰疝

厥疝 脾受肝邪氣逆有積 巢氏亦有厥稱 肝邪

甚者 當歸 四逆湯 川苦 棟散 木香 棟子 散

癧疝 脾傳腎少腹熱痛出白 即巢氏之癧疝也 丹

溪所謂內鬱濕熱者與此疝相似 烏頭 梔子 湯

仁 吳 丹溪云 陽明受濕熱傳入太陽發熱惡寒

小腹悶痛 梔子 桃仁 根 實山查 等分 同煎 加生薑汁

瘻疝

足陽明筋病內有膿血

即巢氏之疝疝也宜

用

桃仁玄胡索甘草茯苓白朮枳殼山查橘核荔枝核

瘻瘻疝

內有膿血小便不通

加味通心散或五苓散加桃仁山查

巢氏七疝

厥

厥逆心痛氣作滿心下寒飲食痛氣積如臂寒脇腹盡痛氣作滿作盤痛旁積氣積如臂寒脇腹盡痛氣作滿作盤痛旁積氣積如臂寒脇腹盡痛

痛氣

疝而痛盤作痛附積氣積如臂寒脇腹盡痛

子和七疝

寒丸冷硬如石陰莖不舉或連水腫陰汗出或按筋陰莖腫脹或潰膿或痛而裏急

小腹痛作水聲筋筋縮或莖中痛挺縱不敢自物隨下血小腹痛兩旁狀如黃瓜血滲氣上連腎下而怒哭則氣脹怒孤臥則入小腹立則歸囊中癩哭罷則氣散出入上下與狐相似也

囊大如升斗不痛不痒濕症也

小腸氣

小腸之病小腹引辜丸必連腰脊而痛

小腸虛則風冷乘間而入邪氣既入則厥而上

冲肝肺控引辜丸上而不下

茴香練實吳茱萸陳皮馬蘭花醋炒

各一兩兩花醋炒五錢醋糊丸每服一錢加至二錢酒送又方益智蓬木各五錢大茴山茱萸牛膝續斷川芎葫蘆巴防風牽牛炒甘草各二錢半為細末每服三錢水煎空心連滓服白湯調下至亦得

膀胱氣

小腹腫痛不得小便是也

五苓散一兩分二服葱白

一莖茴香一錢鹽八分水一鍾煎七分服二服盡當下小便如墨汁續用細砂丸

醫宗必讀 卷之八

脈候 弦急搏皆痛脈視在何部而知其藏 尺部脈滑為寒痲痲東垣曰滑脈寸上見者為大熱陽與陽併也尺部見滑為大寒 丙丁不勝壬癸 從寒水之化也

醫案

常州尹文輝嗜火酒能飲五觔五月間入閩中溪水驟漲涉水至七里覺腹痛之甚半月後右丸腫大漸如斗形閩中醫者皆與肝經之劑及溫熱之品半載無功歸而就商于余余曰嗜火酒則濕熱滿中涉大水則濕寒外束今病在左

正是脾肺之濕下注羣丸以胃苓湯加梔子枳殼黃柏茴香十劑而畧減卽以為丸服至十八觔全安經今十五年不再發

文學駱元賓十年患痲形容枯槁余脈之左脇有形其大如臂以熱手握之瀝瀝有聲甚至上攻于心悶絕者久之熱醋熏灸方甦余曰此經所謂厥痲也用當歸四逆湯半月積形衰小更以八味丸間服喜其遵信余言半載無間積塊盡消嗣後不復患矣

醫宗必讀

卷之八

三

痲

木香散 治肝邪上厥痛悶欲絕

木香

陳皮

良薑

乾薑

訶子

枳實

草豆蔻

黑牽牛

川芎

水二鍾煎一鍾空心服

蜘蛛散 仲景以之治狐疝

蜘蛛

十四枚

桂

五分

右為末每服一錢

雷公云蜘蛛勿用五色者
身上有刺毛者薄小者頂
用星西南有網身小尻大腹內
有蒼黃膿者佳去頭足微炒研

三層茴香丸

治一切疝如神癩疝尤為要藥

第一料

大茴香

拌鹽五錢
炒和鹽稱

川棟子

去核
炒

沙參

木香

各一兩

右為細末水煮米糊為丸桐子大每服二錢

空心鹽湯下日三服纔完便接第二料

照前方加

葶藶

一兩

檳榔

五錢

共前藥六味重五兩半為末糊丸服法如前

若未愈服第三料

照前二方加白茯苓四兩附子製一兩
共前八味重十兩糊丸服法同前但每服二錢雖三十年之久大如栲栳者皆可除根
荔枝散 治陰丸腫大痛不可忍

荔枝核十四枚燒灰 大茴香炒

沉香 木香 青鹽

食鹽各一錢 川棟肉 小茴香各二錢

為末每服三錢空心熱酒調服

宜胞丸 治外腎腫痛

黑丑半生半熟 木通 青木香盤蝥七枚同炒

為末酒糊丸桐子大每服二錢鹽湯下

地黃膏子丸 治男婦奔豚氣塊小腹控控而痛上冲心腹

血竭 沉香 木香

廣茂炮 玄胡索 人參

蛤蚧 當歸 川芎

川棟子麩炒 續斷 白木炒

全蝎 茴香炒 柴胡

吳茱萸 沒藥 青皮

醫宗心讀 卷之八

肉桂 已上二分兩無定數隨證加減用

右為細末地黃膏子丸如桐子大空心溫酒下二十九日加一九至二十九

當歸四逆湯

當歸尾 七分 附子 炮 官桂

茴香 炒 柴胡 各五分 芍藥 四分

玄胡索 川棟子 茯苓 各二分

澤瀉 二分

水二鍾煎一鍾空心服

川苦棟散

木香 川棟 巴豆拌炒去鹽 茴香 鹽炒去鹽

等分為末每服二錢空心食前酒調下

木香棟子散 疝氣久不愈者服此神效

石菖蒲 一兩 青木香 一兩 草薺 五錢

荔枝核 二十枚 川棟子 三十箇 巴豆 二十枚

同炒黃赤色去巴豆不用 為細末每服二錢入麝香少許空心

炒茴香鹽酒調下

烏頭梔子湯 治內有鬱熱外為寒束

醫宗心讀 卷之八 疝

川烏頭 炮

梔子仁 炒各三錢

水二鍾煎一鍾空心服

加味通心散 治瘰癧疔內有膿血小便不通

瞿麥穗

木通 去皮

梔子 去殼

黃芩

連翹

甘草

枳殼 去穰

川棟子 去核 歸尾

桃仁 去皮尖炒

山查

等分爲末每服三錢燈心二十莖車前草五莖煎湯空心調服

五苓散 見傷寒

礞砂丸

木香

沉香

巴豆肉 各一兩

青皮 二兩

銅青 五錢 研

礞砂 一錢 研

右二香及青皮三味同巴豆慢火炒紫色去巴豆爲末入礞砂銅青同研勻蒸餅和丸桐子大每服七丸至拾丸鹽湯空心下日二服

羊肉湯 治寒疝腹痛裏急

當歸 三兩

生薑 五兩 寒者加用 羊肉 一觔

水八碗煮取三碗温服一碗一日飲盡

淋證即癰證也小便不通謂之閉小便淋瀝謂之癰

內經曰脾受積濕之氣小便黃赤其則淋此言

膀胱而成淋也土受濕侵積久則鬱而為熱脾者主轉輸水穀濕熱輸于膀胱淋證乃作

風火鬱于上而熱其病淋此言熱傳膀胱而成

火主風日鬱于上者火邪類歸心經心移熱于膀胱而淋證作矣

愚按內經言淋濕與熱兩端而已病源論謂膀胱

與腎為表裏俱主水水入小腸與胞行于陰

為溲便也若飲食不節喜怒不時虛實不調藏

府不和致腎虛而膀胱熱腎虛則小便數膀胱

熱則水下，澁數而且瀉，則淋瀝不宜。小腹弦急，痛引于臍，分石淋、勞淋、血淋、氣淋、膏淋、冷淋六種。石淋者有如沙石，膀胱畜熱而成。正如湯瓶久在火中，底結白碱也。勞淋者因勞倦而成。多屬脾虛血淋者，心主血，心遺熱于小腸，搏于血脉，血入胞中，與溲俱下，氣淋者肺主氣，氣化不及州都，胞中氣脹，少腹滿堅，溺有餘瀝，膏淋者滴下肥液，極類脂膏。冷淋者寒客下焦，水道不映，先見寒戰，然後成淋。更有過服金石入房，太甚，敗精強閉，流入胞中，亦有濕痰日久，注滲成淋，由是則致淋之故。殆有多端，若不求其本末，有獲痊者，也。

石淋清其積熱，滌去沙石，則水道自利，宜神效。琥珀散如聖，散獨聖散隨證選用。

勞淋有脾勞腎勞之分。多思多慮，負重遠行，應酬紛擾，勞于脾也。宜補中益氣湯，與五苓散分進。專因思慮者，歸脾湯。若強力入房，或施泄無度，勞于腎也。宜生地黃丸，或黃耆湯。腎虛而寒者，金匱腎氣丸。

血淋有血瘀血虛血冷血熱之分小腹硬滿莖
中作痛欲死血瘀也一味牛膝煎膏酒服大效
但虛人能損胃耳宜四物湯加桃仁通血虛者
六味丸加側柏葉車前子白芍藥或八珍湯送益元散血色鮮紅心與小
腸實熱脉必數而有方地黃牡丹皮白芍藥木
通浮瀉茯苓血色黑黯面色枯白尺脉沉遲下元虛
冷也金匱腎氣丸或用漢椒根四五錢水煎冷服然
有內熱過極反兼水化而色黑者未可便以為
冷也須以脉證詳辨之

氣淋有虛實之分如氣滯不通臍下妨悶而痛

沉香散石葦散瞿麥湯氣虛者八珍湯加杜仲牛膝倍茯苓

膏淋似淋非淋小便色如米泔或如鼻涕此精

溺俱出精塞溺道故欲出不快而痛鹿角霜丸

沉香丸海金沙散兔絲子丸隨證選用

冷淋多是腎虛肉苁蓉丸澤瀉散金匱腎氣丸

胞痺膀胱者州都之官津液藏焉氣化則能出

矣風寒濕邪氣客于胞中則氣不能化出故胞
滿而水道不通小腹膀胱按之內痛若沃以湯

溢于小便以足太陽經其直行者上交巔入絡
腦下灌鼻則為清涕也腎着湯腎瀝湯巴戟丸

脉候 少陰脉數婦人則陰中生瘡男子則氣淋
盛大而實者生虛小而澁者死

醫案

邑宰嚴知非患淋經年痛如刀錐凡清火疎利
之劑計三百貼病勢日甚歲暮來就診余曰兩
尺數而無力是虛火也從來醫者皆泥痛無補
法愈疎通則愈虛愈虛則虛火愈熾遂以八味

地黄丸料加車前沉香人參服八劑痛減一二
而頻數猶故原醫者進云淋證作痛定是實火
若多溫補恐數日後必將悶絕不可救矣知非
疑懼復來商之余曰若不宜溫補則服藥後病
勢必增今既減矣復何疑乎朝服補中益氣湯
晚服八味丸逾月而病去其九更倍用參耆十
四日而霍然矣

大司寇杜完三夫人淋瀝兩載靡藥不嘗卒無
少效余診之見其兩尺沉數為有瘀血停留法

當攻下因在高年不敢輕投但于補養氣血之中加琥珀牛膝此等緩劑須以數十劑收功而夫人躁急求功再劑不效輒欲更端遂致痼疾神效琥珀散 治水道澀痛頻下沙石

琥珀 桂心去皮 滑石水飛

大黃微炒 葵子 膩粉

木通 木香 磁石煨酒焯七次研

等分爲細末每服二錢燈心葱白煎湯調服如聖散 治沙石淋

馬蘭花 麥門冬去心 白茅根

車前子 甜葶藶微炒 檀香

連翹各等分

右爲末每服四錢水煎服如渴加黃芩同煎入燒鹽少許服

獨聖散 治沙石淋

黃蜀葵花子俱用炒一兩

爲細末每服一錢食前米飲調服

補中益氣湯見虛癆 五苓散見傷寒 歸脾湯方見虛癆

金匱腎氣丸方見腫脹

生地黄丸 治腎虛勞淋

生地黄 切焙 黃耆 各一兩半

防風 去叉

遠志 去木 茯神 去木

鹿茸 去毛 酥炙

黃芩 去心 括萇 各一兩

人參 一兩二分 錢五分

石葦 去毛 當歸 焙各五錢

赤芍藥

戎鹽 研 蒲黃

甘艸 炙各七錢五分

車前子 滑石 各二兩

為末蜜丸梧子大每服二錢食前鹽湯下

黃耆湯 治腎虛勞淋

黃耆 二兩

人參

五味子

白茯苓

旱連子

磁石 煨醋碎

滑石 各一兩

桑白皮 七錢 枳殼 麩炒五分

黃芩 各半兩

每服三錢水一鍾煎七分服

六味地黄丸 八珍湯 四物湯 俱見虛癆

沉香散 治氣淋臍下妨悶小便大痛

沉香 石葦 去毛 滑石

當歸 王不留行 瞿麥 各半兩

醫宗必讀 卷之八

葵子 赤芍藥 白朮 各七錢半

甘草 炙二錢半

為末每服二錢大麥湯空心調服以利為度

石葦散

石葦 去毛 赤芍藥 各五錢 白茅根

木通 瞿麥 芒硝

葵子 木香 各一兩 滑石 二兩

每服四錢水一鍾煎六分服

瞿麥湯

瞿麥穗 黃連 去鬚 大黃 蒸

枳殼 當歸 羌活 去蘆

木通 牽牛 延胡索

桔梗 大腹皮 射干 各一兩半

桂心 去皮五錢

每服四錢水一鍾半生薑七片煎八分服

鹿角霜丸

鹿角霜 白茯苓 秋石 各等分

為細末糊丸梧子大每服五錢米飲下

醫宗必讀 卷之八 淋證

大沉香散 治膏淋臍下妨悶

沉香

陳皮

黃耆 各七錢半

瞿麥 三兩

榆白皮

韭子 炒

滑石 各一兩

黃芩

甘草 各五錢

為末每服二錢食前米飲調服

沉香丸

沉香

肉苻蓉

酒浸切焙 荆芥穗

磁石

煨醋焙 七次

黃耆

滑石 各一兩

為末蜜丸梧子大每服三錢酒送下

海金沙散

海金沙

滑石

各一兩

甘草

二錢五分

研末每服二錢燈心湯調送

兔絲子丸

兔絲子

酒蒸焙搗

乘驪蛸

各五錢

澤瀉

二錢五分

為末蜜丸梧子大每服二錢空心米飲下

肉苻蓉丸

肉苻蓉

酒浸焙

熟地黃

酒煮

山藥

炒黃

石斛

去根

牛膝

酒浸焙

官桂

去皮忌火

醫宗必讀

卷之八

五十

淋證

檳榔 各五錢
附子 炮去皮臍 各一兩
黃耆 各一兩
黃連 去鬚七分 細辛 去苗葉 各二分
甘草 炙 各二分
為末蜜丸梧子大每服二錢鹽酒下

澤瀉散 治冷淋脹滿澀痛

澤瀉

雞蘓

石葦

去毛炙

赤茯苓

蒲黃

當歸

琥珀

另研

檳榔

各一兩

枳殼

麩炒

桑螵蛸

炒各五錢

官桂

七錢五分

為細末每服二錢木通湯調服

腎着湯

見腰

腎瀝湯

見痺

巴戟丸

治胞痺

巴戟

去心一兩半

桑螵蛸

切破炒

杜仲

去皮酥炙

生地黄

烘

附子

炮去臍皮

肉蓯蓉

酒浸去甲

續斷

山藥

各一兩

遠志

去木二錢

石斛

去根

鹿茸

酥炙

兔絲子

酒浸五搗

山茱萸

去核

北五味

龍骨

官桂

各七分半

為末蜜丸梧子大每服三錢空心酒下

小便閉癰

經云肝足厥陰之脉過陰器所生病者閉癰又云督脉者女子入繫廷孔廷正也直也言正中其孔溺孔之端也女人溺孔在前陰中橫骨之脉外起之所此雖以女子為言然男子溺孔亦在橫骨下中央但為宗筋所函故不可見耳其男子循莖下至篡與女子等此生病不得前後莖陰莖也不得前後二便俱閉也此雖督脉所生而實亦衝任之病蓋此三脉皆由陰中而上行故其為病如此又云三焦下膈在于足太陽之前少陽之後出于膈中外廉名曰委陽是足太陽

絡也三焦者足少陽太陰之所將將太陽之別也
上踝五寸別入貫膈腸出于委陽並太陽之正
入絡膀胱約下焦實則閉癰虛則遺溺此言三焦下脘
之所行與所主之病也將領也三焦下脘即足
太陽之別絡故自踝上五寸間別入膈腸以出
于委陽穴並太陽之正脈入絡膀胱又云膀胱不
利為癰不約為遺溺不約者不能約束收攝也
愚按閉與癰二證也新病為溺閉蓋滴點難通
也久病為溺癰蓋屢出而短少也閉癰之病內
經分肝與督系三焦與膀胱四經然太陽膀胱

但主藏溺其主出溺者皆肝經及督脈及三焦
也又考膀胱為州都之官津液藏焉氣化則能
出矣夫主氣化者太陰肺經也若使肺燥不能
生水則氣化不及州都法當清金潤肺車前紫
苑麥門
冬茯苓來如脾濕不運而精不上升故肺不能
皮之類蒼朮白朮茯苓如腎水燥熱
生水法當燥脾健胃蒼朮白朮茯苓如腎水燥熱
膀胱不利法當滋腎滌熱黃柏知母茯苓夫滋
腎瀉膀胱名為正治清金潤燥名為隔二之治
健胃燥脾名為隔三之治又或有水液只滲太

腸小腑因而燥竭宜以淡滲之品茯苓猪苓通草澤瀉之類

分利而已或有氣滯不能通調水道下輸膀胱

者順氣為急枳殼木通橘紅之類有實熱者非與純陰之

劑則陽無以化黃連芍藥下焦熱者黃柏知母

有大虛者非與溫補之劑則水不能行如金匱

及補中益氣湯是也如東垣治一人小便不通日突腹脹

皮膚欲裂服淡滲之藥無效東垣曰疾急矣非

精思不能處思至夜半日吾得之矣膀胱為津

液之府必氣化而能出服淡滲而病益甚是氣

不化也無陽則陰無以生無陰則陽無以化淡

滲氣薄皆陽藥也孤陽無陰欲化得乎以滋腎

丸羣陰之劑投之即愈丹溪嘗曰吾以吐法通

小便譬如滴水之器上竅閉則下竅無以自通

必上竅開而下竅之水出焉氣虛者補中益氣

湯先服後吐血虛者芎歸湯先服後吐痰多者

二陳湯先服後吐氣閉者香附木通探吐更有

瘀血而小便閉者牛膝杏仁為要藥別錄云小

便不利審是氣虛獨參湯如神由是觀之則受

病之源自非一途若不從望聞問切察之明審之當而浪投藥劑幾何不以人命為戲耶

妊娠小便不通

孕婦胎滿壓胞多致小便閉

塞宜升舉其氣補中益氣湯探吐仲景用八味丸酒服

或令穩婆手入產戶托起其胎溺出如注

或冷孕婦眠于榻上將榻倒豎起胎即不壓而

溺出勝于手托多矣或各有所因者並依證施

治

產後小便不通

陳皮去白為末空心酒調二

錢外用鹽填臍中却以葱白皮十餘根作一縛

切作一指厚安鹽上用大艾炷滿葱餅上以火

灸之覺熱氣入腹內即通此唯氣壅者宜之若氣虛源涸或有他因

者更當審詳也

醫案

郡守王鏡如痰火喘嗽正甚時忽然小便不通
自服車前木通茯苓澤瀉等藥小腹脹悶點滴
不通余曰右寸數大是金燥不能生水之故惟
用紫菀五錢麥門冬三錢北五味十粒人參二

錢一劑而小便湧出如泉若淡滲之藥愈多則反致燥急之苦不可不察也

先兄念山謫官浙江按察鬱怒之餘又當盛夏小便不通氣高而喘以自知醫服胃苓湯四貼不效余曰六脉見結此氣滯也但用枳殼八錢生薑五片急火煎服一劑稍通四劑霍然矣孝廉俞彥直修府誌勞神忽然如喪神守小便不通余診之曰寸微而尺鼓是水涸而神傷也用地黃知母各二錢人參丹參各三錢茯苓一

錢五分黃柏一錢二劑稍減十劑而安

八正散 治心經邪熱燥渴煩躁小便不通

瞿麥

萹蓄

車前子

滑石

甘草 炙

山枝仁

木通

大黃 麵裹煨 各等分

右爲末每服二錢水一鍾入燈心煎至七分食後臨卧服之

五苓散 方見泄瀉

木通湯 治小便不通小腹痛甚

木通 滑石 各五錢 牽牛 取頭末二錢半

右作一服水二鍾燈心十莖葱白一莖煎至一鍾食前服

通心飲 治心經有熱唇焦面赤小便不通

木通 連翹 各三錢

水鍾半燈心十莖煎八分服

牛膝湯 治血結小便閉莖中痛

牛膝 五錢 當歸 三錢 黃芩 二錢

水鍾半煎八分服日二

金匱腎氣丸 治腎虛小便不通或過服涼藥

而愈甚者每服三錢淡鹽湯送下 方見腫脹

琥珀散 治老人虛人心氣閉塞小便不通

用琥珀為末每服一錢人參湯下極效

利氣散 治老人氣虛小便不通

黃耆 灸 陳皮 去白 甘草 各一錢

水一鍾煎七分服

參耆湯 治心虛客熱小便澀數

赤茯苓 丁錢五分 生地黃 黃耆

乘螺蛳微炙地骨皮各一錢人參

五味子酒浸鬼絲子研甘草炙各五分

水一鍾煎七分入燈心二十一分一沸服

清肺散 治渴而小便閉澀

茯苓二錢 猪苓三錢 澤瀉

瞿麥各五分 琥珀各五分 燈心一分

篇蓄各七分 木通各七分 通草二分

車前子一錢

水二碗煎至一碗服

滋腎丸 治陰虛小便閉

黃檗酒洗知母酒炒各肉桂二錢

右為末熟水為丸如芡實大每服百丸加至

二百丸百沸湯空心下

滋陰化氣湯 治日服熱藥小便不利臍下痛

黃連炒黃檗炒甘草各一錢半

水煎食前服未通加知母

滑石散 治男婦轉胞小腹急痛不得小便

寒水石二兩 葵子一合 滑石

亂髮灰

車前子

木通

去皮節 各一兩

水十碗煎至五碗每服一碗一日服盡即利

洗方 治胞轉小便閉先用

良薑 五錢

葱頭 二十枚

紫蘇 二兩

煎湯密至內薰洗小腹外腎肚門留湯再添

蘇綿洗以手撫臍下拭乾 被中仰坐垂脚

自舒其氣次用

蜀葵子 二錢半 赤茯苓

赤芍藥

白芍藥 各五錢

每服三錢煎取清汁調藕合丸二九并研細
青鹽五分食前溫服

又法 炒鹽半筋囊盛熨小腹

葱熨法 治小便閉小腸脹不急治殺入用葱

白三筋切細炒熟縮包分兩袋更替熨臍下

即通

又法 以白爪甲燒灰水服

塗臍方 治小便不通

大蒜 獨顆者 一枚 梔子 七枚

鹽花 少許

右搗爛綿紙上貼臍良久即通未通塗陰囊
上立通

又法 治小便閉垂死者神效

桃枝 柳枝 木通

川椒 白礬 葱白 七箇

燈心 一握

水三十碗煎至十五碗用磁瓶熱盛一半藥
汁薰外腎周廻以被圍繞不令外風得入良
久便通如赤豆汁若冷即易乏其效太奇

小便黃赤

經云脉熱病者小便先黃又云胃氣盛則身已
前皆熱消穀善饑溺色黃又云肺氣虛則肩背
痛寒少氣不足以息溺色變又云冬脉不及令
入眇清脊痛小便變上二段言脾胃有實熱下
二段言肺腎有虛寒此四
者皆能令小便厥陰之勝胠脇氣并化而為熱小
便黃赤此運氣之
屬風者也少陰司天熱淫所勝病溺色
變又云少陽之勝溺赤善驚又曰陽明司天燥
氣下臨暴熱至陽氣鬱發小便變此皆運氣之
屬熱者也

中氣不足溲便為之變此言脾虛也

愚按小便黃赤人皆以下焦有熱清之利之而已矣寧知內經藏府寒熱之別有如是耶故一切證候莫不有五藏六府之分虛實寒熱之別苟不詳察其不補入者幾希矣

火府丹 治心肝有熱小便黃赤

黃芩一錢五分 生地黃三 木通四錢

水二鍾煎一鍾空腹時服

涼胃湯 脾胃有熱消穀善饑溺色黃赤

黃連一錢二分 甘草四分 陳皮二分

茯苓四錢 去皮

水二杯煎一杯食遠服

加味補中益氣湯 治脾肺虛小便黃赤

人參一錢 白朮一錢 黃耆一錢
甘草三分 當歸五分 陳皮六分
升麻三分 柴胡一分 茯苓二錢
車前子一錢

水二鍾煨薑三片棗一枚煎八分服

西醫藥學必讀 卷之八 糸

温腎湯 治尺脉虚瀆足脛逆冷小便黄赤

附子 製熟 二錢 肉桂 去皮 一錢 熟地 二錢

茯苓 一錢 五分 牛膝 一錢 二分

水二杯煨薑五片煎一杯空心服

87
4962

